

(清·光緒八年)

京山縣志

全六冊
第四冊

京山縣志卷之十五

耆壽

胡慶颺，石板團人，壽一百三十八歲，六世同堂。

王明燭，年百歲。見易眉川有村嫗年百有三歲。見王太僕詩

曾毓彥，赤馬村人，壽一百零二歲。

劉元，官橋鋪人，壽一百二十歲。

張登昌，張家澤充善嶺人，為人公正，壽九十一歲。

樊貞芝，楊橋團人，為人伉直，精於數學，五十始生子，壽九十三歲。

李兆玉，黎牆團人，五世同堂，親見七代孫，壽八十三歲。

職員徐上禮，城西孫橋里人，輕財好義，普惠寺、王工橋俱有碑記，壽八十四歲。妻梁氏，壽八十一歲。

邑人楊煦堂，父母俱九十餘，親見元孫至十餘齡。

張惟善，丙家灣漆工，年百歲，邑侯程給坊銀二十四兩，題匾曰「期壽」。

人豪【一】。

易均贊，壽八十六歲，五世同堂。

武生張崇烈，現年八十五歲，精神強健。

李必茂，蔭生，平生坦白無私，壽八十有三歲。

周選文，勤儉起家，義方教子，壽八十有一歲。

楊國棟，孫橋團人，生平勤儉，少疾，壽至九十二歲。

李載華，孫橋團人，壽九十四歲，舉耆民。

江永清，西十團人，學問淹博，教子侄有程法，壽至九十七歲。

董高明，西十團人，壽九十八歲。

魏杖朝，壽八十八，八十時，猶能赴試。

吳愷，黃土團人，年九十二歲，縣主獎以「齒德俱尊」匾額。

李學高，鴨山團人，忠直，善醫術，壽至百歲，無疾而逝。

監生彭逢泰，壽八十三歲，妻湯氏，八十五歲，親見元孫。

庠生楊楚英，性剛正，壽八十四歲。

庠生孫訪，西城外人，九十八時，能燈下析牛毛。李學使表其廬曰「宮牆人瑞」。

孫正海，唐心口人，性淡行方，現年九十三，健步不減壯歲。

孫正紀，唐心口人，平生忠直，壽八十六歲。

孫光禹，唐心口人，好義輕財，年八十二猶能書蠅頭小楷。

劉兆熊，城內人。嘉慶元年，教匪滋事，捐財督勇，叙功錫職。壽八十四歲。

潘廷楫，西城外人，自號雲杜散人，刊有《醒世語》，壽八十四歲。妻王氏，八十八歲。

游應祥，西城外人，性質直，逾五旬始舉子，八十得見孫枝四，蒙恩褒榮。

楊子蟄，西城外人，性剛直，精於醫術，壽八十有一歲。

王臨，東十團人，副貢生，候選縣丞，壽八十餘歲。

王晉，東十團人，庠生，壽九十三歲，以孫貴受貤封。

任作相、任作楫，同母兄弟，性俱忠耿，相壽八十四歲，楫壽八十八歲。

趙家述，丁泉團人，現年九十，尚健。

甘起先，鴨山團人，壽九十三歲。

庠生張辰，城內人，壽八十七。同治庚午，重遊泮水。妻田氏，亦壽至八十五歲。

曹觀一，官廳團人，善事嗣父母，壽九十三。

張法寬，南鄉人，性厚直，七十餘尚無子，至八十二，生子裕鑫承其祀。

庠生汪承志，多寶灣人，善書，著有《雜花吟》詩，壽至八十二。妻張氏，壽九十三。曾孫家煩，例貢生，現年八十二，尚健。

張濂，學優善誨，從遊入泮者衆，壽至九十八。

楊逢盛，平壩團人，積學未遇，品行端方，壽八十九。妻孫氏，亦賢淑，

壽九旬。生五子，孫曾數十人。四子先春，邑庠生。

孫謹，唐心口人，年八十九，堂弟誦，八十二，體并康健，綽有古風。

鄔明杰，本城人，壽八十有二，縣中公事，均服勞不怠。為人老實沉靜。

一治一亂，閱歷廢興，亦難得也。精神尚健，有期頤之望。

高文郁，字鑒塘，歲貢生。秉性剛直，著有《柳蓋軒文集》，尤嗜書，道健可觀，終年七十有九。孫肇琦，膂力絕倫，同治甲子，賊由德安竄至，被逼徒手扛石斃數賊，因衆寡不敵，竟遇害，時年二十歲。嘗有《包胥大夫廟》詩可誦。

曾廣坦，曾家上團人，秉性樸誠，壽八十一歲。

貢生解良珫，黃福口人，品學兼修，壽百有五歲。著有《柳溪堂萃葆身銘》，待梓。

監生田文斯，高沙團人，賦性忠樸，壽八十四歲。

左顯恒，石泉團人，品行端方，現年八十二歲，健步善飯，曾元繞膝。孫

勲治，廩生。

孫文烈，東城外人，好善樂施，壽八十有四。妻呂氏，亦年至八十有五。胡超貴，東城外人，少貧苦，其子鎮禮食餼於庠，現年八十一歲，尚健。王家彥，東城外人，性至孝，四十始生子，生平好學，至老不倦，年八十一卒，眼見曾孫數人。

張忠烈，青畝團人，尊師重道，鄉黨以仁厚稱，壽八十二。子聯庚，增貢生。

耆壽補

夏永年，馮楊團人，為人樸實，壽九十一卒。

呂金萬，性誠樸，治家有法，壽八十四，無疾卒。孫陳書，邑庠生。

【注釋】

〔一〕期壽 期頤之壽，稱百歲之人。
〔二〕蔭生 因祖先的官職、功勞而得進國子監讀書的叫蔭生。意謂祖宗的餘蔭。

〔三〕義方 舊指行事應該遵照的規矩法度，多指家教。
〔四〕孫枝 自本而生出者為子干，自子干而生者為孫枝，後因以孫枝比喻孫兒。

節 壽

曾氏，唐心口孫大盛妻，現年一百零五歲，精神猶健，親見上下九代。

楊氏，唐心口孫某妻，現年九十七，尚勤女工。

文氏，孫橋團孫開元妻，生平無疾，壽至九十七歲。

易氏，西城外游雲妻，一生勤儉，壽八十八歲。

習氏，唐心口孫大勇妻，夫故節守，壽至八十四，猶勤紡績。

梅氏，西城外汪明妻，夫故守節，壽至八十有四。

孟氏，西城外汪光前篋室，年未二十守節，年八十四猶健。

楊夏氏，鯉魚團人，現年九十八歲，尚健。

楊王氏，現年九十七歲，眼見曾元。

楊氏，鴨山團吳智瑤妻，孀守，善持家，壽九十。子光祖，壽八十四歲。

蕭氏，孫橋團汪世位妻，性慈，善理家，壽八十八，子孫衆多。

華氏，監生王瑾妻，現年九十，尚健。

蕭氏，城內蔡銳妻，壽八十七。

鄧氏，觀音團李文遠妻，二十四歲守節，壽至一百零九歲。

章氏，南鄉張士錦妻，三十一守節，壽至一百零五歲，蒙恩准建百歲坊。

鄒氏，南鄉張登妻，十九守節，壽至九十九歲。

王氏，西十團楊光明母，現年一百歲，善飯。子亦近七十，孝養不倦。

鄭氏，西十團盧志義妻，貢生鄭家聲妹，現年八十六歲，尚健。

曾氏，儒童程貴妻，節守，壽至一百零一歲。

劉氏，張維孝妻，節守，壽至九十三歲。

鄢氏，張先遵妻，節守，壽至九十六歲。

查氏，魏順珩妻，自三十守節，至今九十七歲，存。

徐氏，崔洋妻，夫故，撫侄為嗣，苦節六十餘年，壽九十。

謝氏，黃琚妻，年二十二夫故撫子，壽至九十六終，學使獎以「石貞山

壽」。子輝廷，壽亦九十餘。

史氏，熊鑒妻，夫故，孝事翁姑，教子有方，壽至八十九。

郝氏，彭人文妻，二十八守節，撫遺腹子成立，壽至八十八。

易氏，劉懋德妻，苦節無子，壽至九十。

楊氏，呂金登妻，守節撫嗣及孫，壽至八十六。

葛氏，汪必蘇妻，夫故節守，壽至九十。

程氏，李福堯妻，苦節，撫幼子成立，現年九十一。

文氏，趙國英妻，守節撫子，壽九十終。

黃氏，江忠妻，孀守，壽至九十六，親見五代。

柳氏，王光宇妻，苦節，壽至九十二。

李氏，儒童張憬寬妻，苦節撫嗣，壽至八十七。

饒氏，彭元琯妻，苦節撫嗣，壽至九十餘歲。

甘氏，文童王浩妻，孀守，壽至八十四。

胡氏，劉輝述妻，守節撫子，壽八十五。

丁氏，文新淳妻，撫子苦守，壽至八十四。

田氏，曾士棟妻，撫子之裕入庠，壽至九十三。

賀氏，職員曾紀照妻，節守撫子，子歿撫孫，孫故撫曾孫，其壽至九十

七。

張氏，曾廣莊妻，苦節奉姑，壽至九十七。

龔氏，楊宏妻，苦節撫子，壽至九十七。

楊氏，鄧宗魯妻，夫故守節，壽至八十四。

彭氏，監生李文亮妻，守節撫子，壽至九十，尚存。

汪氏，張廷玠妻，割股療孀姑病者二次，壽至八十四。

鄧氏，周雲升妻，壽至九十八歲。

汪姑，字姚氏子，未婚婿死，過門守節，立嗣娶媳，壽至八十餘歲。

吳氏，儒童余升瀛妻，二十夫故，撫弱叔成立，後叔與孀俱夭，余仍無

後，氏苦守，經胡中丞旌獎，現年八十餘，尚健。

鄭氏，周某妻，自二十九孀守撫子，壽至九十九歲。

何氏，拖船埠朱業殿妻，壽百歲。

朱氏，丁家潭人，貢生文毓紱妻，乾隆乙未科武舉守備朱必亮第三女，年登百齡，五世同堂。

【注釋】

〔一〕簞室 舊時稱妾為簞室。

隱逸列傳

胡興第，字碧潭，江右人，元時僑居京山。《曉發天門山》有詩云：「杖策從軍行，天門方啓明。五雲扶日出，北斗尚參橫。福地逢佛指，名山似化城。」肯堂還肯構，振振起公孫。」遂築室於佛指山下。與鄰人郝景章善。明洪武間，籍天下富民實伍，景章以例傳籍，而丁單，引胡為朋戶，胡氏之冒姓郝，自此始。

王大韶，字叙之。幼聰慧，喜讀書。父雖鍾愛，而家不甚裕，艱於膳，兄弟亦不喜其遊學，多方阻遏。大韶囊書赴景陵譚氏，其家知非庸人，收與子弟同處，二年，學業頓進。父求得之，使師兄為舉子業。由儒士兩試楚闈不利，典學使者以廩生送州庠，然性閑放，遂不就，隱大月山，閉門授徒。長子橋，自始學至總髮，十餘歲未嘗一日離膝下；季子格，七、八歲，大韶日背戟之，口授經書。里中有歸德寺，大韶授讀其中。殿壁間有畫梅，乃題絕句於旁曰：「挺挺疏花帶雪開，世人休訝是寒梅。會看結就枝間實，神鼎調羹取次來。」識者知其屬望於後裔也。後以子貴贈河南僉事，祀鄉賢。

王宗華，字時藻。隱居斗山，種松數百圍，結廬其下，旁有雙泉，引為蓮塘，可數畝許，躬耕高尚。邑令請見，辭不出。年八十卒。李大泌志其墓，稱為「聖朝逸叟」。

劉希獻，字季徵。由明經謁選別駕，歸不欲仕，退隱南山，堅卧小園，以詩歌自娛。性敦樸，不染貴介習。家居篤於倫理，每以忠孝友愛訓其子孫。

癸未、甲申間，流寇蹂躪郡邑，急毀家紓難，義不顧身，條悉官兵利害。督撫將加題叙，而身不逮矣。所著有《錦浪園集》。子藁，字清卿，縣庠生。居母喪，墨瘡^{〔九〕}幾不能起，歲時饋奠，手盥錡釜以進，畢生不衰。偶有小過，父微徵諸色，即長跪庭前，父顏霽，始起。待諸弟恒以和浹之。年未四十，卒。孫舜民，以順治甲午舉於鄉，高才好學，六上公車弗第，蚤世^{〔一〇〕}，士林惜之。

劉榮，字仁伯。醇樸孝友，正直端方，族里人多敬之。子芳顯，出宰宜興，每於退食之暇，諄諄以「學道愛人」四字相提命^{〔一一〕}。晚年卜居西郊，逍遙物外，年七十有三卒。

夏之來，字見如。勵志淹博，敦行樂善，著《四書解》、《詩經解》若干卷。晚年以足患坐榻八載，留心陽明^{〔一二〕}、龍溪^{〔一三〕}之學，著《聖學合編》萬餘言。年七十八，臨終遺詩，編首云：「白雲杳杳思無窮，轉瞬還悲泣樹風。多少遙瞻桑梓處，何如近在簡編中。」

王言，字如如，號終南。渾樸篤實，事繼母以孝稱。少奮志名場不遂，遂遊成均。晚年，蒔竹種花，以自娛樂。年六十三終。王子釜山贊曰：「考槃〔二四〕可傲撫仕〔二五〕，聞譽〔二六〕可却圭組〔二七〕。遐想高風，誰不曰可以儀型來許〔二八〕。」

譚秉爵，字一甫。少受《詩》於江右郭先生，受《易》於邑南川王先生，隱居授徒，所入悉分惠其宗人。家觀音崖，崖有字曰「宦遊一快」四大字，遂自署「快厓」，歲時從社中人載酒其下，倚杖放歌，誦《考槃》之詩，人目為隱君子。士大夫遊岩泉者，聞其賢，悉造廬焉。〔節李大泌《譚隱居墓志》〕萬歷壬辰卒，李大泌為銘其墓。

王鴻功，字子儀，一字羽可。邑諸生。性至孝，事母曲盡勤勞。機神散朗，工詞翰，不屑步趨時俗。閑居種植花木，掃除一室，潔几案，焚香煮茗，延素侶〔二九〕，倡酬無虛日。中歲遭亂，詩文盡佚，僅存壁間二絕云：「聚散花如匝地茵，朝來白玉想橫陳。彌天雁字驚寒早，書向遙空苦憶人。」立殘苔濕

齒痕輕，恰瑣閨愁向夕城。一泪同悲淪落意，房中曲和風雨聲。」讀二詩，可略識其風韵矣。《府志·高雅列傳》

胡其良，字叔易。保安知州機少子。年弱冠，始折節讀書。資質敏捷，過目輒能誦。恢諧放蕩，醉後謳吟調笑，變態百出。常以琴張、曾點（二〇）自許。詩長於七言古歌行，生硬雄建，一洗谿徑，下筆如兔起鶻落，不可遏抑。偶遊江南，歸患足疾，雖蹣跚倚杖，而興趣不減也。所著因難，鮮有存稿。

《府志·高雅列傳》

胡其懔，字文度，號仙鬴。其良從弟。舉止曠爽，韵趣傾人。書法冠一時，真行分草篆隸皆妙。詩則七古律、絕句為勝，間喜作填詞，尖酸可擬柳七郎（二一）。其性泛愛，掃去畛域，持絹素乞書者應之不倦，坐上有君，不復知人間愁苦事，對之如入群峰叢壑，煩悶都盡。詩有《蘿春館》、《山響廬》二稿，今并存。《府志·高雅列傳》

黃鑾，字伯占。父嘗為較官蜀中，鑾從遊學，涉獵群書。文近古質，而論

策贍博，教授里中，每歲大比，則出以儒士就試。入舉場七八次，人嘗以魁選期之，鑒亦自負，竟落魄不偶。有學使令入學為廩生，鑒不就。年近六十，自知數奇^(三三)，隱居不出，骯髒^(三四)自守，惟以經籍為娛。年八十餘，卒。

馮維坦，字念塘。賦性溫克^(三五)。喜讀經史，嫻古文辭，日陶情詩酒，有考槃遺風。

張文美，字魯瞻。少工書。遊青、齊、豫、梁及岱、衡名岳，有《半間堂稿》。與李本寧、郝仲輿、魏實秀、夏崇謙同遊香山，載有遺筆。子星炳，以博雅稱。

朱衡，字平甫。生有膂力，好遊。久客京師，多挾醫方，能詩能畫能琴。晚還里，益貧，且無子，惟吟咏自樂。著有《紫衲道人吟卷》。與郝楚望友善，為作傳，載《山草堂集》中。

趙維城，字德寧。邑庠生。為人沉靜，好讀書，不事生產，業田於塾^(三六)，有贏即購書，佛老方技^(三七)亦究其奧。所著詩文甚富，如《文章經緯圖》、《太